

سنه لکی در سعادت ایچون مجیدیہ
یکرمی غروش حسابیله التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون مجازات

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیہ اخف
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

مرعیت احکامنه بالاستیدان اراده سنیه
حضرت پادشاهی شرفصدور بیوریلان تمغا
قانوننک مابعدی:

قرق بشنجی ماده

محکمه جه رؤیت اولان دعاوی به عائد سندادن
آله جق جزای نقدی محاکمه و اداره طرفندن میدانه
چیقاریلان و یا خود محاکمه اخبار ایدیلان خلاف قانون
حرکاتک جزای نقدیلری اداره به عائددر.

قرق التنجی ماده

قرق دردننجی ماده ده محرر اولوب اشبو قانونده
معین رسوم و جزای نقدیلرک تأدییه سنی طلب ایتمیان
محاکم و مجالس رؤسای ایله مأموریندن قانوناً آلمسی
لازم کلان جزای نقدینک اوج مثلی استیفا اوله جقددر.
مأمورین طرفندن اشبو قانون حکمنه منافی
صورته تنظیم ایدلمش اوراقی حامل بولنانلردن یا لکنز
رسم تمغا استیفا و جزای نقدی طوغریدن طوغری به
اومأموردن استحصال ایدیلور.

قرق یدنجی ماده

مصالح ذاتیه ایچون دوائر رسمیه و مؤسسات
عمومیه به یازیلان تذکره و تقریر و عرضحال و استدعا
نامه لر بواسطه و یا نقصان بوللی و یا خود بوللری قانونه
مخالف اوله رق ابطال ایدلمش اولدینی حالد قبول
ایدلیه جقددر. بوکی اوراقی قبول ایله اوزرینه معامله
اجرا ایلیان مأموریندن یارم عثمانلی لیراسی جزای
نقدی آلنور.

قرق سکزننجی ماده

خلاف قانون تنظیم ایدلمش اوراقی دیون عمومییه
اداره سنه تودیع و تسلیم ایدنلره کرک مأموریندن
و کرک افراددن بولنسون آله جق جزای نقدینک نللی
اعطا اولنور.

قسم ثانی - تحقیقات و تعقیبات

قرق طقوزنجی ماده

تمغا رسمنک احکام قانونیه دائره سننده تأمین
استیفاسی ایچون دیون عمومییه واردات مخصوصه اداره.

سی تنسیب ایده جکی وقته حصه سنداتیله متشکل
شرکتلر ایله مؤسسات مالییه و صناعیه و تجاریه ده سنه ده
بر دفعه اجرای تدقیقاته صلاحیتداردر. تدقیقات
ایچون استخدام اوله جق مأمورلر اداره نك هیئت
حاضره سی میانده اوصاف لازمه یی حائز اولانلردن
انتخاب ایدیله جقددر.

النجی ماده

دوائر رسمیه محاسبه قلملرنده تمغا رسمنه تابع
اولان کافه اوراقک تدقیق و معاینه سی مالییه نظارتجه
تعین ایدیله جک بر مقتض طرفندن اجرا ایدیله جکی
کبی حین رؤیت حسابده دیوانجه ده تدقیق ایدیله جقددر.

اللی برنجی ماده

تابعیت اجنبیه ده بولنان هر درلو آنومیم شرکت
و مؤسسات مالییه و صناعیه و تجاریه به متعلق تدقیقات
اداره طرفندن تحریراً و امور مستعجله ده شفهاً
واقع اوله جق طلب اوزرینه مکلفینک منسوب اولد.
قلری قونسولاتونک بر ترجمانی حاضر اولدینی حالد
اجرا قلنه جقددر. ایکنجی دفعه وقوع بوله جق طلب
و دعوت اوزرینه ترجمان اجابتدن امتناع ایدرسه
اداره مأمورلرنجه تدقیقات لازمه بالا اجرا اقتضایدن
مضبطله تنظیم و عائد اولدینی قونسولاتویه ارسال
ایدیله جقددر.

اللی ایکنجی ماده

ایام رسمیه و تعطیلیه ده تدقیقات اجرا ایدیله من.
تدقیقات اداره خانه لرده صورت ممکنه سریعه ده ایفا
ایدیله جک و معاملاتی اخلاص ایتماک ایچون اوراق
بر محلدن دیگر محله نقل ایدلیه جقددر. تدقیقات
اداره خانه لرک بر معتاد آجیق بولندینی ساعتله تصادف
ایتدیریه جقددر. احکام قانونیه به مخالف صورته
تنظیم ایدلمش اوله رق بوله جق اوراق ایچون بر مضبطه
تنظیم و مأمور ایله صاحب اوراق طرفندن امضا
ایدیله جقددر. صاحب اوراق مضبطه یی امضادن امتناع
ایدرسه اوراق ضبط و مضبطه به ربط قلنه جقددر.

اللی اوچنجی ماده

اوراقل اراده سنندن امتناع ایدلیدی صورته -
اسبابی حکام طرفندن تقدیر اولنق اوزره - کیفیت

تدقیق مأموری طرفندن محلدنه تنظیم اولنله جق
بر مضبطه ایله تحقق ایتدیریه جک و ابرازندن امتناع
ایدیلان اوراقدن استیفاسی لازم کلان رسوم و جزای
نقدیدن بشقه متمنعدن درت لیرادن قرق لیرایه قدر
جزای نقدی آلنه جقددر.

اللی دردننجی ماده

حکم قانونه مخالف اوراق تحریرسیچون بیوت
و مساکن خصوصیه به دخول جائز اولیه جکی کبی
تمغاسز اوراقی حاملدر ظنیله کیسه نك اوزری تحریر
و بوله جق اوراق ضبط ایدیله من انجق بر شخصک
اوزری و اشیاسی بشقه بر مقصدله مأمورین سائر
طرفندن تحریر اولدینی صروده تمغالنامش اوراق
ظهور ایدرسه تعقیبات لازمه نك اجرای ایچون
اوراق دیون عمومییه اداره سنه تودیع اوله جقددر.

اللی بشنجی ماده

تأمین و تحریر و وارداته انحصار ایدن مأموریتلری
حدودینی تجاوز ایدن مأمورین اداره تأدییه اولنغله
بر ارجزا قانوننامه هایوننک یوز التنجی ماده سنه
توفیقاً مجازات اولنور.

اللی التنجی ماده

اشبو قانوننک اجرای احکامی ایچون اداره جه
وقوع بوله جق مراجعت اوزرینه مدعی عمومیلر
و مأمورین بلدییه ایله پولیس و کمرک مأمورلری تعقیبات
لازمه ده بولنه جقددر.

فصل سابع

تعقیبات حقنده در

اللی یدنجی ماده

قرق دردننجی ماده ده تعداد ایدیلان مأمورینجه
خلاف قانون بر سننک موجودیتی احکام قانونیه به
توفیقاً ثابت اولمش و رسم تمغا و جزای نقدینک
تأدییه سی ضمننده واقع اولان طلبلری تاریخندن اعتباراً
نهایت بر هفت ظرفنده مخالف قانون حرکت ایدن
کیسه رسم تمغا و جزای نقدی یی تأدییه دن امتناع
ایتمش بولنور ایسه مأمورین مبحوئه سند مزبوری

و یا خود آنک رینه قائم اولان مضبوطی الی طقوزنجی ماده احکامی محفوظ طوثلقی اوزره دیون عمومیة عثمانیه اداره سته تودیع ایدجک و اداره دخی محلی اجرا دآره سته بوماده به متعلق احکام قانونیه دن باحث بر مذکره ارسال ایلجکدر .

اللی سکزنجی ماده

مخالف قانون حرکت ایش اولان کیسه اجرا دآره سندن کندوسنه و قوعبولان تبلیغات تاریخندن اعتباراً سکز کون ظرفنده اعتراض ایده یلور .

اعتراض استدعای محلی بدایت حقوق محکمه سته اعطا اولوب بر صورتی محکمه طرفندن اوج کون ظرفنده دیون عمومیة اداره سته تبلیغ اولجق و اداره مذکورجه اشوب تبلیغ تاریخندن اعتباراً سکز کون ظرفنده جوابی اعطا اولجقدر .

اعتراض استدعای ایل اداره نک جوانی و جزای تقدی به تابع طوثلان سند موجود اولجیلجک اوراق متفرع سیه برابر محکمه طرفندن اوج کون ظرفنده محلی مدعی عمومیکنه تودیع اولوب مدعی عموم مالکجه دخی سکز کون ظرفنده لازم کلان مطالعه نامه سی اعطا و اوج کون ظرفنده محکمه جه مذاکره اوطه سنده کیفیتک تدقیقه ابتدار اولور .

محکمه جه لزوم کورلدک طرفین حضور محکمه به جلب ایدیلور .

محکمه نک قراری سکز کون ظرفنده مدعی عموم می معرفتیه کرک معترضه و کرک اداره به تبلیغ اولجقدر . بومدت ظرفنده جواب ویرلدیکی حالده اعتراض استدعای سیه اوراق سائر محکمه به تودیع اولور . مدعی عمومی بولیمان قضالرده اشوب قانون حکمنجه مدعی عمومیله تودیع اولان وظیفه ۶۶ نجی ماده ده بیان اولان احوال مستثنا اولق اوزره اعضای محکمه دن رئیسجه تعیین اولجق بر وکیل طرفندن ایشا اولور . (مابعدی وار)

تبلیغات

قل فلندن طولانی اون بشر سته مدته محکوماً بیاس حبسخانه سنده محبوس بولنان کریدی نیقوله ولد یورکی قواواکی ایل مانول ولد سمپاکی حقارنده عفو عالی جناب جهانبانی شایان بیورلش اولمغله برمنطق امر و فرمان هاپون ایشای مقتضای ضمهنده عدلیه نظارت جلجلیه سندن اطنه ولایتی استیناف محکمه سی مدعی عمومیکنه تبلیغات لازمه اجرا قلمشدر .

استدعا دآره سته عائد بولدیغه اکثریتله قرار ویرلد کدن صکره صلاحیت قرار سته متعلق اولان اعلام مذکور حقدقه تدقیقات تمیزیه اجراسنه ابتدار اولدی .

اعلام مذکورک خلاصه مالی مرقومان حاجی قسطنطی ایله دیمید میانلرده منازع فیه اولان بر باب خانه به مدعی علیه دیمیدک منع مداخله سیه مدعی حاجی قسطنطی به لزوم تسلیمته دآره خداوندکار مرکز بدایت محکمه سی حقوق دآره سندن تنظیم و اعطا قلان اعلامک عندالاستیناف فسخ اولنسی اوزر سته درجه اولی محکمه سنجیه بوکره جریان ایدن مذاکره نتیجه سنده محکمه استینافیه جه حکم قطعی نی متضمن اولان اعلام ابتدائیک فسخندن صکره قانوناً اساس دعوائک فصل وحکم اولنسی لازم کله چکی و بوسورتله دعوی مذکورک بشکرار رؤیته محکمه بدایت صلاحیتدار اوله میسه جنی بیانیله مدعینک دیله دیک حالده محکمه استینافیه به مراجعتده مختار اولق اوزره رد عرضخاله قرار ویرلش اولمسته بناء و قوعبولان مراجعت اوزر سته استیناف محکمه سنجیه بوکره جریان ایلان محاکمه و تدقیقات نتیجه سنده منازع فیه اولان خانه نک امکجی یورکی طرفندن مستأنف حاجی قسطنطی عهده سته ۱۸ کانون ثانی سته ۳۱۷ تاریخنده معامله فراغیه نک اجرا قلندینی مبرز تصرف سندی مألندن و بالتخلیه طرفه تسلیحی خصوصی ایسه مرقوم طرفندن ۱۶ کانون ثانی سته ۳۱۷ تاریخنده بالاستدعا طلب ودعوی اولندینی اعلام مستأنف به مفادندن نمایان اولدینی حالده هنوز خصوصته کسب استحقاق ایتردن ایکی کون اول تخلیه طلبنده بولنسی بنجله حکمنجه توجیه خصوصت نقطه نظرندن شایان التفات اولمادیغه و محاکم استینافیه جه فصل وحکم ایدیلجک موادک محاکم ابتدائیه جه رؤیت وحکم ایدیلجک اعلامه ربط اولنان دعاوی به مختصر اولوب خصوص مذکورک ایسه اصول و نظامی دآره سنده و خصم شرعی مواجهه سنده رؤیت وحکم ایدلش دنیله میه چکنه و بومثللو بدایه فصل ورؤیت اولنسیان بر دعوائک محکمه استینافیه جه رؤتی غیر جائز اولدیغه مبنی اعلام مستأنف بهک فسخله اصول وقاعده قانونیه سته توفیقاً تشکیل طرفین ایدیلجک مجدداً بالرؤیه اعلامه ربطی ضمهنده کیفیتک درجه اولی محکمه سته عاده سته قرار ویرلدیکندن و مستدعی تمیزک اشبو قرار علیه نه لایحه سنده مندرج اعتراضاتک خلاصه سی دخی حکم قطعی نی متضمن اولان اعلام ابتدائیک فسخندن صکره تدقیقات مقتضیه نک اجراسله کیفیتک اعلامه ربطی محکمه استینافیه نک جلجله وظافتندن ایکن عکسی یوله اعطای قرار اولنسی مغایر قانون ایدوکنندن

محاکمات و مقررات

آیدین ولایتی استیناف محکمه سی جزا دآره سی رئیس سابق عزتلو مصطفی ندیم افندیکنک اوراق انقصالیه و مدافعه نامه سی انجن انتخاب مأمورین عدلیه جه لدی التدقیق جواز استخدماته قرار ویرلشدر .

محکمه تمیز استدعا دآره سندن تنظیم و اعطا قلان ۲۹ مارت سته ۳۲۰ تاریخلی اعلامدر : بروسه به تابع کبیر و صغیرانی قریه سی اهابل سندن علکسی اوغلی دیمید ایله بینده متکون دعوا یه دآره خداوندکار ولایتی استیناف محکمه سی حقوق دآره سندن صادر اولان ۱۴ حیزران سته ۳۱۹ تاریخلی اعلامک تمیزینی مستدعی قریه مذکورده ساکن حاجی قسطنطی طرفندن ویرلان عرضحال و متفرعانی باش مدعی عمومی ملک مأموریت بهیه سنک مطالعه نامه سیه برلشدیرلجک محکمه تمیز استدعا دآره سنده لدی التدقیق مدت و شروط قانونیه سته موافق اولدینی و اعلام مذکورک قابل تمیز بولندینی جهستله مدعی علیه جواب لایحه سنده قابل تمیز اولمادینی حقدقه سرد ایلدیک اعتراضک غیر وارد اولدیغه مبنی عر ضحال مذکورک قبولته اتفاقله و اعلام مذکورک تدقیق

بنجله اعلام استینافینک تقضی و مدعی علیه دیمید جانندن ویرلان لایحه ده محرر فذلکله اوجه ده تمیز عرضخالک ردی طلبندن و مطالعه نامه نک مفادیده حکم ابتدائیک قطعی اولمسته نظراً کیفیتک بعدالفسخ محکمه استینافیه جه اکالی مقتضی بولنش و وظیفه مسئله سی حقدقه مدعی عمومینک بالمداخله مطالعه سنک استفسار ایدلماش اولمسته مبنی اعلام استینافینک تقضی لازم کله چکی بیاندندن عبارتدر .

ایحیی لدی المذاکره محکمه استینافیه جه فسخ اولان حکم ابتدائی مدعابه اولان خانه به منع مداخله نی متضمن و بناء علیه قطعی اولمسته و بومقوله احکام قطعه ابتدائیه نک عندالاستیناف فسخی حالنده کیفیتک محاکم استینافیه جه فصل ورؤتی اصول محاکمات حقوقیه قانوننک یوز طقسان بدنجی ماده سنک فقره اخیریه سی اقتضاسندن بولنسته کوره محکمه استینافیه جه حکم ابتدائیک فسخندن صکره کیفیتک رؤیت واکالی لازم کاور ایکن اسباب محرمیه مبنی درجه اولی محکمه سته عاده کیفیت قرار ویرلش ماده مذکورده حکمنه مغایر کورندیکندن قانون مزبورک ایکیوز اوتوز ایکنجی ماده سی موجب سنجیه اعلام استینافینک تقضیه کیفیتک رؤیت واکالی ضمهنده محکمه استینافیه به عاده سته و اوچیوز قرق درت غروش اون یاره مصارف تمیزیه نک بالآخره حق سز چقه جق طرفه راجع اولق اوزره اول امرده مستدعی تمیز حاجی قسطنطیدن آلت سته ۲۹ مارت سته ۳۲۰ تاریخنده متفقاً قرار ویرلدی .

ایلیصان قصبه سنک قوقونیه محله سنده کامله بنت جمالی قتل ایلدیک ادعا اولنسنندن دولای جنایتله اتهام اولنان بروشقه قریه لی مختارک اون بش سته مدته کورک قونلسته دآره ایلیصان سنجانی بدایت محکمه سی جزا دآره سندن ویرلان ۸۶ نومرولی اعلام باغجی اوغلی مصطفیانک کیفیت قتلندن دولای جنایتله اتهام اولان شکری بن جوهرک اون بش سته مدته کورک قونلسته دآره قسطنطنی ولایتی استیناف محکمه سی جزا دآره سندن ویرلان ۴۶۴ نومرولی اعلام

دولکر نعمان بن علینک کیفیت قتلندن دولای جنایتله اتهام اولان مناسرتک امیر حاجی محله سندن داود بن محمدک اون بش سته مدته کورک قونلسته دآره مناسرتک ولایتی استیناف محکمه سی جزا دآره سندن ویرلان ۲۸ نومرولی اعلام

جرمیک قضاسنک سحاق قریه سندن رسول بن بکری قتل ایلدیک ادعا اولنسنندن دولای جنایتله اتهام اولان عثمان بن حسنک اون بش سته مدته

کورک قونلسته دآره ارغنی سنجانی بدایت محکمه سی جزا دآره سندن ویرلان ۱۵۹ نومرولی اعلام بروسه حال محمدی قتل ایلدیک ادعا اولنسنندن دولای جنایتله اتهام اولان مصطفی بن محمدک اون بش سته مدته کورک قونلسته دآره خداوندکار ولایتی استیناف محکمه سی جزا دآره سندن ویرلان ۷۸۹ نومرولی اعلام

حاجی علی اوغلی حاجی محمدک خانه سی قیوسی آچهرق بالدخول اشیای سنی سرت ایلدیکری ادعا اولنسنندن دولای جنایتله اتهام اولان علی ورفیق حسینک اوچر سته مدته کورک قونلر سته دآره ایلی سنجانی بدایت محکمه سی جزا دآره سندن ویرلان ۲۳۷ نومرولی اعلام محکمه تمیز جزا دآره سنجیه تصدیق اولنشددر .

نخلیند محله سنده کی قهوه خانه ده بآتمقده اولان یاندیپانیه جی رجی بالتصور اخناق و اتلاف ایلدیکری ادعاسیه متهم بولنان قهوه جی مصطفی و چراق عیسی حقارنده اجرا قلان محاکمه نتیجه سنده مرقوماندن مصطفیانک عیسایک معاوتیه بالتصور مرقوم رجی اخناق و اتلاف ایلدیک کندولرینک صورت افاده و اقرارلری و شاهدلرک شهادتی و معاینه راپوری مندرجاتیه ثابت اولدیغندن مجرمیتلر سته و بولنردن مصطفیانک جزا قانوننامه هاپونک یوز یتمنجی ماده سته توفیقاً اعدامه و دیگر متهم عیسایک دخی قانون مزبورک یوز یتش بشنجی ماده سته تطبیقاً اون سته مدته کورک قونلسته ۱۵ حیزران سته ۳۲۰ تاریخنده محکمه جناجیه قرار ویرلشدر .

اوقاف هاپون نظارت جلجلیه سی وزنه اوطه سی قیوسی آچهرق درونه بالدخول اچج سرت ایلدیک ادعاسیه متهم بولنان دآره مذکورده اوطه جیلرندن شکری حقدقه اجرا قلان محاکمه نتیجه سنده مرقومک آلت مخصوصه استعمالیه وزنه اوطه سی قیوسی آچهرق وزنه دار معاوتی مصطفی افندیکنک صدوغندن ایراد قید اولنیمان و مقداری مجهول بولنان اچجی سرت ایلدیک شهادت و تحقیقاتدن متحصل قرائن و امارات ایله ثابت اولدیغندن مجرمیتنه و جزا قانوننامه هاپونک ایکی یوز یکرنجی ماده سته توفیقاً اوج سته مدته کورک قونلسته ۱۶ حیزران سته ۳۲۰ تاریخنده محکمه جناجیه قرار ویرلشدر .

میخانه جی ماردیکک قهوهات لسانیه ده بولندینی ثابت اوله مدیغندن برآشته تقسیمده ساکن دیوارجی طنشاشک علی افانک

قرق بش غروشی دولاندیردینی ثابت اولدیغندن اوج آی حیسنه ویرلیرا جزای تقدی اخذنه سالیس محمدی ضرب و جرح ایلدیک اقراریه ثابت اولان نشان طاشنده ساکن آرابه جی اسماعیلک اون بش کون حیسنه

برکیلواوچیوز غرام چاقی نوتون قاچردینی اصولاً ثابت اولان نجیر صادقندن رژی نظامنامه سی احکامنه توفیقاً التیش غروش جزای تقدی آلت سته

علقوبی ضرب و جرح ایلدیک ثابت اولان قاسم پاشاده ساکن یانیدن برلیرا آله رق مضروب عطا سته یک اوغلی بدایت محکمه سی جزا دآره سنجیه قرار ویرلشدر .

اعلانبات

در سعادت استیناف مدعی عمومیکنده : اوچیوز یکری سته سی مارتک برنجی بازار ایرتی کیجه سی قرنال قصبه سنده ساکن اجزاجی چراغی نیقولینک قولی شکست ایلدیک ادعاسیه مطنون علیه اولوب عقیب وقعه دنبرو حال فرارده بولان اورتی بوی سیاه صاج ، قرال قاش ، اسمر بکزیل عادتا برون و تر بیقلی و آرجیل یوزلی طوپ چکه ، شیشیان وجودلی قضای مذکور اهابل سندن شایان اوغلی قوچونک اصول محاکمات جزایه قانوننک مواد مخصوصه سی احکامنه توفیقاً در سعادت جنایت محکمه سنده محاکمه سی اجرا قلمق اوزره قانون جزانک یوز یتش بدنجی ماده سی موجب سنجیه جنایتله اتهامنه قرار ویرلدیکندن متهم مرقومک هر زرده کوریلورسه طوثلوب محکمه مذکورده توقیفخانه سته تسلیحی لازم کله چکی بالجله ضابطه عدلیه مأمورلرینک معلومی اولق اوزره اشبو اخذ و گرفت مذکره سی در سعادت هیئت اتهامه سندن بالتظیم اعطا قلندی .

ایکنجی تجارت حکم سنده : سرکه جیده مقیم تجارتدن امیر سایان زاده حق افندیکنک ۹ حیزران سته ۳۲۰ تاریخندن اعتباراً اعلان افلاسه و مصالح افلاسیه نک رؤیت و تسویه سی ضمهنده محکمه اعضا ملازمی عزتلو باقو افندیکنک زوز قومیسر و دعوی وکیلرندن شکیب و قدری افندیکنک موقت سندیکنک تعیینلر سته و مغازه سیه اشیای زانده یتیه سنک تمیزیه و اوراق و دفاترینک جلجیه و کندوسنک کفالت مصدقه ارايه ایده مدیک تقدیرده توقیفنه و بوبابده کی قرارک موقه اجراسنه ایکنجی

تجارت محکمہ سندن قرار ویرلش اولدیغندن قانوننامہ تجارتک ۱۷۰ نجی ماده سی موجبجه دائمی سندیکلر انتخاب اولتیق اوزره (۲۶ حزیران سنه ۲۲۰) جمعی ایتسی کونی ساعت یدی بچق راده لرنده اصحاب مطلوبك محکمہ مذکورہ نك افلاس اوطنه سنه کلری اعلان اولنور .

محمود باشاده دکاننده ساکن ساعتی هرا ند نهادیانك ۱۰ حزیران سنه ۳۲۰ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمنده اعضای محکمہ دن سعادتلو رضا بکک زوز ودعوی وکیللرندن آجیان قره بت وجمال الدین افندیلرک موقت سندیک تعیینلرینه ومغازه واشیای زائده بیتیه نك تمهیرینه واوراق ودفاترینك جلبه وكفالت ارانه ایده مدیکی حالده توقیفنه وبوباده کی قرارك موقه اجراسنه ایکنجی تجارت محکمہ سندن قرار ویرلش اولدیغندن قانوننامہ تجارتک ۱۷۰ نجی ماده سی موجبجه دائمی سندیکلر انتخاب اولتیق اوزره شهر حالک یکر می التنجی جمعی ایتسی کونی ساعت التي راده لرنده اصحاب مطلوبك محکمہ مذکورہ نك افلاس اوطنه سنه کلری اعلان اولنور .

طریقه تجارت محکمہ سندن :

مفاس حاجی پنا یو طیدی بانچو و دیمترکی برادرلرک خصوصات افلاسیه نك رؤیت وتسویه سی ضمنده محکمہ ایکنجی کابی تمل ودعوی وکیللرندن لازار ونیقولاکی افندیلر اصالة سندیک انتخاب وتصدیق قلندیغندن مفلسلر ذمتده الاجنی اولانلرک قانون تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکر می برکون ظرفنده سنداتی محکمہ کاتبه تسلیم ایللری وختام مدتدن صکره اوچ کونده یعنی حزیرانک یکر می التنجی جمعی ایتسی ویکر می یدی پنا بازار ویکر می سکر نیجی بازار ایتسی کونلری طریزون تجارت محکمہ نك افلاسه مخصوص اوطنه سندن تشکیل اولان ماسیه کله رک سندیک افندیلر مواجهه سنده الاجق لری اثبات وقید وتصدیق ایتدیمرلری وخلافی تقدیرده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

اعمومات شرعیہ اجرا دائره سندن :

عدد	عدد
۴ بصمه عنتری	۲ مع اورتو جانفس چار
۳ قاش	شب
۲ بصمه خرقة	۲ تیره و یوک قوشاق

۲ قاش خرقة	۱ سیاه قامسله
۸ کتان فانیله	۱ سیاه صوفدن جبه
۸ باتسقه طون	۱ بر جفت ترک
۳ کتان حولی	۲ ایکی جفت بوتین
۶ یمک حولیسی	۳ البسه و دیش فورچه سی
۲ یوز حولیسی	۱ عادی طراق
۲ مندیله	۱ جفت کوزلی دوربین
۸ الوان کتان مندیله	۸ متنوع کتاب
۷ کتان فرنک کوملکی	۱ عود اغاجندن تسبیح
۱۵ کتان کوملک یقه سی	۱ کبیر حوض طاشی
۳ اییک ایشلمه لی الوان	۱ پولاد تبسی
۲ بوغچه	۱ معدن دیکر تبسی
۲ الوان یازمه بوغچه	۱ البسه اورتوسی
۲ صغیر اطاس بوغچه	۱ طرناق مقراصی
۵ بصمه بوغچه	۱ مشمع قنار
۲ یوک بوغچه	۱ ایاقلی صغیر ساعت
۱ شال اورنکی اون	۱ مستعمل چیزمه
۱ بش آرشون کتان	۱ باستون
۱ بصمه	۱ کبیر صندوق
۱ طوندومه طاقی	۲ مع طباق بالور بارداق
۵ مع طباق نحاس صحن	۳ چای فنجانی
۱ نحاس قهوه کوکی	۲ کبریتلک
۱ حیدری عبا	۵ سیغاره طباغی
۱ عادی حالی سجاده	۲ استریدیه قبوغسندن
۱ فسخانه معمولانندن	۱ سیغاره طباغی سی
۴ یوک بطانیه	۴ صلاطه طباغی
۴ یوک چوراب	۱ کبیر طباق
۱ مشلج	۴ افطار طباغی
۱ چوقه دن کمر	۱ کبیر کاسه
۱ ماصه اورتوسی	۳ شیشه قوانوس
۴ اییک واطلس بیون	۱ صابونلق
۱ باغی	۲ مع چتال ایکی جفت
۱ مستعمل پانطالون	۱ قاشیق
۳ مع یوسکول فس	۲ بوینوز قاشیق

شریفه زاهده خاتمک فسخانه عامره کتبه سندن کال الدین افندی ذمتده مهردن طولانی با اعلام شرعی الاجنی اولان مبالغ معلومه نك تأمین استیفای ضمنده مدیون مومی الیهک مالی اولوب الاجق لو خاتم مومی الیا یدنده محفوظ ومحجوز بولان وبالاده جنس وعددی کوستربلان اشیایک اشبو تاریخ اعلاندن اوچ کون صکره یعنی اشبو حزیران رومینک اون طقوزنجی جمعی ایتسی کونی ساعت درندن صکره بات بازارنده یولکچن خانی درونسده بالمزایده فروخت اولنه جنی در سعادات اعلامات شرعیه اجرا دائره سندن اعلان اولنور .

در عادت تجارت محکمہ سی اجرا دائره سندن :

استفان ولد نیقولا چورونک اطاش خاربالی ذمتده ایکنجی محکمہ تجارت اعلامیه محکوم به اولان الاجقنک

تسویه سیچون بک اوغلنده قرخاتون محله سنده قالیونجی قوللنی جاده سنده الی سکر ومکرر الی سکر نومرولر ایله مرقم مقدما ایکی والیوم بر باب دکان ایله آلتنده برنخن و برقیو و بر صهرنج وفوقنده ایکی باب اوطه ومشتعلات سائرینی حاوی و اوطه لک زقاعه اولان قبو محله موقت بر باب دکانی محتوی مجموعی سنوی التمش عدد عثمانی لیراسی ایجار کتوریر اشبو کارکیر املاکده مدیون مرقومک متصرف اولدینی نصف حصه شایعه سنک تاریخ اعلاندن اعتباراً اون بش کون صکره موقع مزایده قونیله جغندن اشتراسه طالب اولنلرک ودها زیاده معلومات آلیق استیانتلرک محکمہ تجارت اجرا دائره سنه مراجعت ایللری اعلان اولنور .

اسکدار بدایت محکمہ سی اجرا دائره سندن :

یازنجی افلاکیدی اوغلی قسططی ولد یانینک ، عطوقلو نوح بک افندی حضرتلرندن استقراض ایلدیکی بشبوز الی عدد لیرای عثمانیک تأمین استیفای ضمنده مرقومک چسکل قریه سنده وجاده ده متصرف اولدینی بر طرفی یوز باشی لطیف بکک ساحلخانه سی و دیگر طرفی لب دریا و طرف دیگر یولیس قره غولخانه سی و طرف رابعی طریق عام ایله محدود اوچ قات سکر اوطه وایکی سالون و برشروان و بر مرمر طاشلی حولی و بر مطبخ و برقیو و بر صهرنج و آلتنده بر صندال استیاع ایدر قایقخانه و لب دریا طرفنده یمش ذراع ریختیم و برنخن و بر کورلک و بر لیونلق و اوک طرفنده ایکی یوز قرق ذراع باغچه ومشتعلاندن ایکی اوطه و آرقه طرفنده ساحلخانه سی موجود کارکیر اوله رق التمش ذراع اوزرینه قصاب دکانی و اون بش ذراع اوزرینه کارکیر صوبه جی دکانی وینه آروجه بر اوطه نی حاوی قرق سکر ذراع اوزرینه انشا ایدلش کارکیر بقال دکانی مشتمل (۸۴) ومکرر ۸۴ ومکرر (۸۴) و (۸۶) نومرولی ساحلخانه ایله مشتعلات مذکورده سی بیع بالوفا طریقله اوچ سنه مدتله مشار الیه عهده سنه فراغ ایدوب مدتی ختام بولدیغندن مرقوم قسططنیک وفاتنه مبنی کریمه سی اقلالی ایله میرمشار الیهک اسکدار بدایت محکمہ سنجه جریان ایدن محاکمه لری نتیجه سنده مرهون بولسان محل مذکورک فروختی محکوم بولمش اولمسنه بناء املاک مذکورده نك تاریخ اعلاندن اعتباراً اون بش کون صکره بالمزایده فروخته مبادرت اولنه جنی اسکدار بدایت محکمہ سی اجرا دائره سندن اعلان اولنور .